



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

15. Varij PP. casus in Regno Bung.

urn:nbn:de:hbz:466:1-11445

Cocini forum India omni per celebre, nihil erat sat æquum nisi quod tale censuisset. Utque ij loquntur qui de illo scribebant, Cocini negotiatores, lege omnes teneri putas ad conscientiae rationes Nunnio explicandas, adeo frequentes & scrupulosè illum vbiique consulebant: ex quo id etiam existebat boni ut lites grauissimas, & capitales inimicitias fedaret, communi partium assensu eius arbitrio permitti solitas; ad eum denique priuatum quod spectat, precationis & sacræ paginæ studio sex quotidie horas dabat. Annos egit in Societate duodetriginta obiit Augusti decimo, anno 1571. ætatis primo & quinquagesimo.

15.

Varij PP. 1556. veniunt à Christianis & ab ipso Rege Funaium tres nuntij, cum casus in Re: literis ad P. Turrianum quibus enixè rogabatur suam ea in vrbe statio- gno Bung. nem repeteret, & consolaretur dolorem præteritæ clavis. Sed enim Bungi rex, futuri secretò fortassis conscius, moras mensis vnius huic itineri iniecit, aiens fieri posse vt tunc alias iniret cogitationes, & vero paulo post primarius nobilis Morindonus, improuisus vrbi cum exercitu superuenit, eamque iterum direptionibus & incendio perdidit. Rege interfecto, regis nomen & regnum occupat; Patrum ædes Bonzio con- cedit quas simulachro cuiquam dedicaret. Sed Patrum nomine à Christianis deinde redemptæ sunt. Eodem tempore, recentes Firandum ope- ras Cosmus denuo proficiunt iubet; Cutanum vero P. Villelam & Ioan- nem Fernandem, qui multos breui ab idolis ad Christum traduxere. In iis senex fuit septuagenario grandior, qui ex itinere habere illos hospi- tes voluit: jacebat miser octauum iam annum inutilis, & sic membris affectus vt eorum tremore vehementi omnibus esset miserationi, quamvis poenam illam plus iusto commeritus, crebris dum juuentus ferueret homicidiis, & quamdui in pedes constiterat, incantationum artificio scelerato. Huic tamen baptismus ad collatam animi salutem, sanitatem adiecit corporis, vt firmatis post biduum membris è lecto surgeret, cuius prodigijs veritas manifesta, concione quauis ad conuertendos complures ethnicos potentior exitit. Illum quidem in suscepito Christo ita stabiliuit, vt libellos maleficium carminum omnes grandi fasce colle- ctos igni tradiderit, cum execratione diabolicae quam professus fuerat vanitatis. Neophytorum autem Cutamiensium quām esset solida, & ro- busta virtus, præter multa, quæ longam sit scribere, luculenter ostendit occasio ardua. Exigebat ab suis eorum dinasta fidelitatis solenne iuriurandum; inerat ritui superstitionis ethnica ad pedes idoli; Christiani omnes conuenerant seorsim viri, seorsim feminæ cum infantibus filiis, aderat dinasta cui Sacramentum dicebatur. Huic suo nomine clarè de- nuntiant Christiani, adstare se promptos ad mortem quamlibet potius oppetendam, quām vt alium à vero & uno quem colebant Deo iurare sustinerent; quod sapiens princeps, tametsi ethnicus, admirans lauda- vit plurimum, testatus illorum de fidelitate non esse quod quicquam ambigeret, qui eius nomine illam sibi iurarent cuius offensam morte quavis

quauis grauius formidarent. Relicto Cutami Villela, & Fernandes, Funaium Cosmo suppetias veniunt, ad nosocomium (de quo paulo ante) restituendum & amplificandum: aliud profecto aequum nihil valuit ad auctoritatem dogmati Christiano apud Iapones faciendam praeter ministerium caritatis, nunquam illic antea spectatae, atque illius nominatum quam miraculorum crebritate Deus continuo ornabat. Itaque Meacci, imperij regia; Fieniamæ, Bonziorum velut Thebaide; & leucis supra Meacum ducentis, Bandi, Iaponensium doctrinatum academia communis, celebrabatur omnium laudibus id nosocomium, cum inestimabili pretio sanctimoniarum legisque Christianæ; nec tamen justo magnificientius, cum Christus per suos perpetuis illud nobilitaret miraculis: Cinnodes, vlcera, abscessus, & omnis generis vulnera, multos iam annos curationis experit, paucis tum diebus, tum maxime obuijs tritisque remedijs sanabantur, & quidem numero non ita angusto, quin mensum quinque non integro spatio, ducenti valetudinis desperatae, inde salutis anque prodirent, fratum nostrorum egregiae operæ insigne monumentum Ludouici Almeidae, Odoardi syluae, & Pauli Iaponis annorum vinti quatuor iuuenis illic in tyrocinium admissi. Iungebat omnino illorum manibus superiorem manum Deus, ut ea perficerent quæ neque manuaria medicina, cuius tantum non rudes erant; nec simplicibus pharmacis quæ ad manum habebant sola, effici potuissent accurrebatur illuc è longinquis, veniebant nobiles, imo & Bonzij, quibus erant sciunctim melius instructa cubicula. Ex vrbe verò ad signum stata hora, deferebantur in nosocomium curandi, & applicita medicatione referebantur domū. Sed montanos, tribus circum leucis à nostris, requiri oportebat, quod Funaium portari præ inopia non possent. Curandis igitur intra suas domos subsidij aliquid ad leuamentum egestatis, famisque suggerebant, qua nonnulli haud multo leuius, quām à morbis subibant discrimen. Et erat in promptu unde sumptus huiusmodi haurirent, nam præter multos, virtutis egregiae qui se suaque omnia nosocomij obsequio consecrarent, præterque vltorneas contributiones quas etiam Ethnici, nedum Christiani, sat largas ad hoc conferebant; Rex Lusitaniæ Ioannes pro singulari pietate; & qui Funaj negotiabantur Lusitani suppeditabant liberaliter in opus tam pium; ipseque postmodum Rex Bungi, annuos aureos trecentos eidem assignauit, & tacite huius fratum nostrorum prædicationis in fines Iaponie vltimos diffundebatur vox, quo verba Concionatorum minimè poterant; quin & illo ex nosocomio quicunque exhibant miraculo sani totidem fiebant Christiani nominis præcones, & suis Provinciis Deum Patrum deprehendebant magnifice, trahebantque interdum ad eius baptisma, & cultum familias integras; siue ergo ex his, siue ex illis quos in vrbe, Patrum conciones Christo lucrabantur, dies abibat nullus, quo non aut octo vel ad duodecim renascerentur ex sacris fontibus quorum mirifice crescebat pietas, sedulitate Patrum eam Christianis studiis educantes. Dominicis & sextis feriis congregabantur ex iis centum, ardentи ad

Ss eos

eos habita cohortatione, redncto sifario monstrabatur Christi pendentis effigies, ad cuius aspectum cruento verbere in se quisque immitis lauebat, & suo dolore, patienti Christo, suisque vna peccatis litabat: & sequabantur hinc ij motus etiam Ethnicorum, quin & Bonziorum (qui admitti rogabant ad spectandum) vt sæpè idola pro Christo euirarent, quæ pietatis exercitatio nonnullis item quotidie priuatim cōcedebatur eodem in templo. At si quem aut metus intentatae mortis, aut quiduis aliud transuersum egisset, in venerationem simulachri, excludebant illum præstantes illi Christiani à suo cœtu, nec reintegrabant prius, quād in medio ædis sacræ, penitentis cultu, cum dolore & lachrymis palam crimen confessus, acri sui ipsius flagellatione in omnium oculis illud eluisset. Multis iuuenum in optatis fuit obstringere se publicè, castimoniae sanctæ voto, iis potissimum quibus facta erat suscipienda Eucharistiæ facultas; quod votum in iis quanquam nostri minime approbandum censerent, sed erat miraculo simile à Iaponibus id optati, quos docent Bonzij nefarias quoque libidines, pro licitis ducere. Sanctioris hebdomadæ, & Paschæ dies; supplicationes item augustissimi Sacramenti, splendido apparatu, & luminum pompa, ornatuque tempii longè pulcherrimo colebantur, & frequentabantur concurrentium præcul Christianorum alacritate tam piè effusa, vt versari sibi inter superos viderentur. Erat enim festis Ethnicorum opponenda maiestas aliqua, & elidenda Bonziorum scelestæ malignitas qui hoc vnum agebant vt Christiana deprimarent, quanquam ij tantum mendacio poterant ad incendendam contra nostros plebem, sibique addicendam vt magnum diuinæ erga nos tutelæ prodigium fuerit, quod per quinque menses quibus in arce Ustachi, Rex vrbe absuit, abstinuerit plebs à nostris manus, nec illos discepserit. Iterabant enim Bonzij vetus carmen, de esu carnium humanarum, spargebant in rei argumentum ante nostras ædes frusta carnium, & saniem durati sanguinis; vtque olim de Xauerio, ita de Patribus tunc garriebant, dæmones esse humana specie; noctu verò passim minaces per yrbum affigebant cubitalibus notis Epigraphes quibus omnes monobant, nostrorum oculos cauerent, vt qui vim haberent fascinandi; loquentes ne audirent, quippe illorum voce homines incantati; domum verò nostram si pedem inferrent, ne facile fiderent, se vitam ex ea relatuos, execrationibus denique insanis dæmoni deuouebant, quicumque à patria superstitione ad Christianos transiissent. His infatuatum cum pueris vulgus, nihil non illis probrosum occentabat, sanguinarios compellans, & dæmones, & quicquid fors primum, vel saxa vel cœnum obiiceret, in eos impengens; nec erat qui eos affatu aliquo dignaretur, nisi tanquam genus scelerotissimum, & vilim nauiscam ciuitatis, eoque iam iræ, & calamitatiæ venerant, vt in singulas noctes expectarent nostri se domi comburendos, quamvis ad illam Christiani, partitis vicibus excubarent. Postremò ne quid bona lucis hoc rerum turbido ab hominibus restareret, misit Ustacho Rex ipse ad Patres, vitam quā possent in ruitum subducerent,

subduerent, nam suæ se malè securum, securitatem aliis non posse præstare.. Verum enim quod vbi placitum Deo suos respicere , continuo turbines in serenum vertit. Quinquaginta millia lectorum militum eduxerat Rex Bungi , vt turus Regis Amangucciani fratri sui necem , rebelles aggressus prælio vicerat ; vsque victoria , & felici fetro , non magno conatu tot sibi regna subiecerat ut potentissimus evaderet Iaponici Princeps imperij , cuius regna sex aut hereditate aut bello parta obtinebat. Triumphans ergo Funajum Usucho reuersus apud nostros cœnam cum aliquot aulicis familiariter condixit , ut intelligerent vniuersi quanti eos ficeret , & fieri vellet , quod semel quot annis ab eo deinceps factitatum. hinc mensis remotis hortatus est illum Turrianus , ad gratiam illustris victoriæ Deo referendam , cuius ipse officij apprimè gnarus , amplissimam Patribus concessit , dissimilanda legis Christianæ toto suo imperio potestatem , fore siquidem valde indecorum , regnum suum tam potens , & nobile , eo solo carere quod esset in rebus , omnium optimum , notitia scilicet veri Dei , cuius desiderij sui pignus Faciat in urbe regni Cicugensis primaria , & Amanguccij , capacissimam aream Patribus donauit , ad ædificandum in ea Christianis templum , & Societati Collegium , reddo hic verbatim exemplum diplomatis Regij ex Iaponico Latinum . [Dux regnorum Zuui (Duces enim ipsi se nominant , nominati ab aliis nisi Reges non ferunt) Dux Zuui , Nagati , Bugen , Achi , Iuami , Bingi , & Bicij. Magnus Dayet , ad cœlum iter donat Patribus occidentis , ad explanandam legem quæ sanctos efficit huc appulsis , vsque ad mundi finem , iuxta illorum placitura Amanguccij magna in urbe campum , cum priuilegio , ne quis possit in eo vel occidi vel capi , hoc ne quem lateat eorum qui mihi successuri sunt meo isto diplomate confirmo per quod illis perpetua maneat campi possessio .] Obmutuerunt his Bonzij , quamvis intabescerent animo , & insolentia populi effrenis in reverentiam versa est , Christi nomen , & fides , magnis accessionibus refloruit.

Erant publicæ res in Iaponia tunc parum fidæ quod diuisum in multos regulos illud imperium , crebra inter illos æmulatione quateretur , & regni confinis ambitu , alienum ius , suam quisque iniuriam somniaret . Hinc item populus natura ferox , & assuetudine armorum , in omnem bellum occasionem irritabilis & pronus , ne suis quidem parcebat dinastis , quos inter frequentes tumultus cum suam Bonzij aduersus Christianos miscerent rabiem , plebesque in eos concitarent , alternabat Christianitas aduersis , & prosperis , inde prope stirpitus hodie reuulsa , vbi nudius tertius triumphasset . Eiusmodi fuit Regni Cicugensis , & paulo ante Firandi conditio , illuc Gaspar Villela cum fratre Guillelmo à Turriano destinati anno 1557. tantum anno non toto promouerūt , ut præter alios , semel triduo uno , sexcentos ritè comparatos solenni Baptismo abluerent . Inde Tacuseimam , & Ichiceuchim insulas denecti , leucis à portu una & altera , Euangelio salutis cœpere illas imbuerunt , tenebat illas in sua ditione ex Regis Firadi

16.
Insuper duæ
ad Christū
couerit. Fi-
landenses
Christ. rē-
xatur.

Ss 2 proce